

Uunga siunnersuut: Kalaallit Nunaanni sulisilluni ajoqusersinnaanermut isumannaarineq pillugu inatsisip allanngortinneqarnissaa pillugu inatsisissatut siunnersuummut Namminersorlutik Oqartussat oqaaseqaateqarnissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut, Niuernermut Nunanullu allanut Naalakkersuisoq)

Saqqummiussissut

(Inuussutissarsiornermut, Suliffeqarnermut, Niuernermut Nunanullu allanut Naalakkersuisoq)

Siullermeerneqarnera

Danskit oqartussaasuisa aalajangerpaat nammineerluni pigisoq, »Arbejdsmarkedets Erhvervssikring«, Arbejdsmarkedets Tillægspensionimut atasussatut pilersinniarlugu.

Inuit ajoquserlut pillugit suliat maannakkuugallartoq Arbejdsskadestyrelsen suliai tamaasa Arbejdsmarkedets Erhvervssikringip tigussavai.

Nunatsinni sulinermi ajoqusertoqartarnerani sulinerup aqunneqarnera ullumi Nuummi Arbejdsskadestyrelsen Sulisilluni Ajoquserneq pillugu Sullissivimmit ingerlanneqarpoq, suliallu Arbejdsmarkedets Erhvervssikringimit ingerlateqqinneqassallutik.

Naatsorsuutigineqarpoq Sulisilluni Ajoquserneq pillugu Sullissivimmi Nuummiittumi maannakkuugallartoq sulisut suliat pioreersut ingerlatiinnassagaat nunatsinni ajoqusertoqartarnerani sillimmasiisarneq pillugu inatsisip aqunneqarneranut attuumatillugu.

Sulisilluni Ajoquserneq pillugu Sullissivimmi Nuummiittumi maannakkuugallartoq sulisut Arbejdsmarkedets Erhvervssikringimut nuunneqarnissaat suliffeqarfiup tunniunneqarnissaa pillugu malerugassat malillugit pissaaq. Sulisut atorfilittut atorfeqartut naalagaaffiup iluani atorfeqarnertik attatiinnassavaat aammalu Arbejdsmarkedets Erhvervssikringimut attartortinneqassallutik.

Inatsisissatut siunnersuutip inatsimmi imarisassatut allannguutinik imaqaanngilaq aammalu nunatsinni ajoqusersimasunut sillimmasiisarneq pillugu inatsit malillugu ajoquserlut imaluunniit sillimmasiisarfiit pisinnaaffii pisussaaffiilu allanngortinneqarnissaannik imaqarani, aammalu suliat aalajangersimasut suliarineqartarnerat pillugu inatsisitigut isumannaallisaanermi aalajangersakkat tamarmiusut maannakkuugallartoq atortinnarneqassallutik.

Tamanna tunngavigalugu Naalackersuisut siunnersuutigissavaat, Kalaallit Nunaanni sulisilluni ajoqusersinnaanermut isummannaarineq pillugu inatsisip allanngortinnissaanut siunnersuutitut inatsit Kalaallit Nunaannut atuutsinneqalissasoq.